



INFIZIERT

Lönd eu infizierä

Säg mir wär isch dä Ma wo da wieder gad inä gaht
Idä Beat wo da inäschlaht wiä än Blitz über dir niedergaht
Energie puur wo sich na tüfer i di drininä nagt
Für immer i dir verharnt bis du si wieder wiiter lahsch

Wiänän Virus wird sich verbreitä... denn mir sind erpicht uf das
Gäbäd jetzt erscht mal richtig Gas wärdäd mega wi Migros Markt
Döner macht schöner leider stahn i uf Schisch Kebab
Zum Glück bini einä wo niä numä uf nieder gahrt

Sondern Hitze streut wi anno domini s'Napalm im Vietnam
Ziä dä Sound mal inä mann sugän uuf... gib än wiiter will er infizierä chan
Verbreitäd verleihäd verteiläd euisi Lieder idäm Land
Epidemisch Zuäständ sind was mir wänd

Infiziert, infiziert, infiziert, infiziert, infiziert, infiziert, infiziert
G'spürsch du diä Energie i dir fühlstch wi si di elektrisiert
Wenn ja, isch z'spaht, will du bisch infiziert

*S'triibt di wiiter wi än Stei am Grund vom Fluss
Fägt di wäg wienen Sturm, am Afang staht en Schuss
Knalleffekt für Liib und Seel
Du stahsch im Dunklä, um dich umä wirds plötzlich hell*

*Dini Ghörgäng sind üsäs Territorium
Verzells am Urs, oder bliib für immer stumm
Streubombä verteilt sich jetzt im ganzä Saal
Stuet nöd weh, lauf nöd wäg, wettsch no meh, bliib am Fläck*

*Teilt sich wiiter, isch usser Rand und Band
Pandemie frisst sich stetig i din Verstand
Steppäbrand isch scho da, chuum häschen gseh
Putscht di uuf wi s'hohe C*

*Gnadälos im Fluss sii
Ohni Halt spilt d'Musig
Bis is nächscht Jahrtausig
Epidemische Zueständ sind was mir wänd*

Infiziert, infiziert, infiziert, infiziert, infiziert, infiziert, infiziert
Drum machäd alli jetzt mal richtig Lärm
S'isch M'Law M'Law wo brännt
G'spürsch du diä Energie i dir föhlsch wi si di elektrisiert
Wenn ja dräh durä will du bisch infiziert

Ä enetzliche G'fahr wi bestehendi Corona
Dänn mir steckäd eu a mit heftigä Parts
Dä Kek und dä K legäd an Tag was dä Restä nid cha
Setzäd gad a zum epischä Schlag mit deftigä Bars und electric guitar

Also beweg din fettigä A...
Hoff das du's jetzä verstahsch M'Law isch Gsetz und das war's
Verreckter als Klaas und Joko um d'Welt hetzändi Jagd
Erläb's oder lasch's! Am bestä erfahrsch's

Live und diräkt went di erhebsch und abgasch
Wäni mini Energie vertrieb und so gad jedä infizier
Erwacht dis innre Tier i dir und du muschäs loslah
Bevors i dir na explodiert! Epidemische Zuäständ sind was mir wänd

Infiziert, infiziert, infiziert, infiziert, infiziert, infiziert, infiziert
Drum machäd alli jetzt mal richtig Lärm
S'isch M'Law M'Law wo brännt
G'spürsch du diä Energie i dir föhlsch wi si di elektrisiert
Wenn ja dräh durä will du bisch infiziert